


1	4
1555	
64	

64



門 14  
1555  
64

蘋洲  
漁笛譜

昭和  
四月  
十九日  
購本

徵招 九日登高

江蘼搖落江楓冷  
霜空雁程  
初到萬景正悲涼  
柰曲終人  
杳登臨嗟老矣  
問今古清愁  
多少一夢東園  
十年心事  
况

蘇州魚書附

然驚覺  
腸斷紫霞深知  
音遠寂寂怨琴淒調短髮已  
無多怕西風吹帽黃花空自  
好問誰識對花懷抱楚山遠  
九辯難招更晚煙殘照

醉月 中秋對月

奩霏淨洗喚素娥睡起平分  
秋色雁背風高霜兔冷露腳  
侵衣香濕銀浦流雲珠房迎  
曉鬢影霜爭白玉尊良夜與

誰同醉瑤席  
忍記倚桂  
分題簪花籌酒處處成陳跡  
十二樓空環珮杳惟有孤雲  
知得如此江山依然風月月  
底人非昔知音何許淚痕空

沁愁碧

昔登

霞翁之門  
霞翁為予言  
草窻樂府妙天下因請其所賦觀之  
不寧惟協比律呂而意味迴不凡花  
閒柳氏真可為輿臺矣  
翁之賞音

信夫近觀徵招醉月之作淒涼掩抑  
頓挫激昂此時此意猶宋玉之悼屈  
平也歟一唱三歎使人泣然增疇昔  
之感因為書之以識予懷云王櫛

踏莎行敬賦

草窻絕妙詞

夢窗覺翁吳文英

楊柳風流蕙花清潤蘋

未數張三影沈香 醉調

清平新辭

鮫室裁綃

白雪爭歌郢西湖同結杏

花盟東風休賦丁香恨

*草窠然也時  
湖遊六姑娘*

頻洲漁笛譜卷一

汲古主人摹本開雕

齊人周密公謹父

減字木蘭慢

西湖十景尚矣張成子嘗賦應天  
長十闋諺余曰是古今詞家未能  
道者余時年少氣銳謂此人閒景  
余與子皆人間人子能道余顧不  
能道耶冥搜六日而詞成成子驚  
賞敏妙許放出一頭地異時霞翁

兄之曰語麗矣如律未協何遂相  
與訂正閱數月而後定是知詞不  
難作而難於改語不難工而難於  
協翁往矣賞音寂然姑述其槩以

寄余懷云

蘇堤春曉

恰芳菲夢醒漾殘月轉湘簾正翠崦收鐘形  
墀放仗臺榭輕煙東園夜游乍散聽金壺逗  
曉歌花籤宮柳微開露眼小鶯寂妒春眠

冰匿黛淺紅鮮臨曉鑑競晨妍怕誤卻佳期  
宿妝旋整忙上雕鞍都緣探芳起早看堤邊  
早有已開船薇帳殘香淚螭有人病酒慳慳

平湖秋月

碧霄澄暮靄引瓊駕碾秋光看翠闕風高珠  
樓夜午誰搗元霜滄茫玉田萬頃趁仙查只  
赤接天潢髣髴凌波步影露濃珮冷衣涼  
明璫淨洗新妝隨皓彩過西廂正霧衣香潤  
雲鬟紺溼私語相將鴛鴦誤驚夢曉掠芙蓉



度影入銀塘十二闌干竚立鳳簫怨徹清商  
斷橋殘雪

覓梅花信息擁吟袖莫鞭寒自放鶴人歸月  
香水影詩冷孤山等閑泮寒暝暖看融城御  
水到人閒五隴竹根更好柳邊小駐游鞍  
琅玕半倚雲灣孤棹晚載詩還是醉魂醒處  
畫橋第二奩月初三東欄有人步玉怪冰泥  
沁溼錦鷓斑還見晴波漲綠謝池夢草相關

雷峯落照

塔輪分斷雨倒霞影漾新晴看滿鑑春紅輕  
橈占岸疊鼓收聲簾旌半鈎待燕料香濃徑  
遠趨蜂程芳陌人扶醉玉路傍懶拾遺簪  
郊坳未厭游情雲暮合漫銷凝想罷歌停舞  
煙花露柳都付棲鶯重闔已催鳳鑰正鈿車  
繡勒入爭門銀燭擎花夜暖禁街淡月黃昏

麴院風荷

軟塵飛不到過微雨錦機張正蔭綠池幽交  
枝徑窄臨水追涼宮妝葢羅障暑泛青蘋亂

舞五雲裳迷眼紅綃絳綵翠深偷見鴛鴦  
湖光兩岸瀟湘風薦爽扇搖香算惱人偏是  
縈絲露藕連理秋房涉江采芳舊恨怕紅衣  
夜冷落橫塘折得荷花忘卻棹歌唱入斜陽

花港觀魚

六橋春浪暖漲桃雨鱖初肥正短棹輕蓑牽  
箭荇帶縈網蕝絲依稀岸紅迥遠漾仙舟誤  
入武陵溪何處金刀膾玉畫船傍柳頻催  
芳堤漸滿斜暉舟葉亂浪花飛聽暮榔聲合

鷗沈暗渚鷺起煙磯忘機夜深浪靜任煙寒  
自載月明歸三十六鱗過卻素牋不寄相思

南屏晚鐘

疎鐘敲暝色正遠樹綠情情看渡水僧歸投  
林鳥聚煙冷秋屏孤雲漸沈雁影尙殘簫倦  
鼓別游人宮柳棲鴉未穩露梢已挂疎星  
重城禁鼓催更羅袖怯暮寒輕想綺疏空掩  
鸞綃翳錦魚鑰收銀蘭燈伴人夜語怕香銷  
漏永著溫存猶憶回廊待月畫欄倚徧桐陰

柳浪聞鶯

晴空搖翠浪晝禽靜霽煙收聽暗柳啼鶯新  
簧弄巧如度秦謳誰細翠絲萬縷颺金梭宛  
轉織芳愁風裊餘音甚處絮花三月宮溝  
扁舟纜繫輕柔沙路遠倦追游望斷橋斜日  
蠻腰競舞蘇小牆頭偏憂杜鵑喚去鎮綿蠻  
竟日挽春畱啼覺瓊疏午夢翠丸驚度西樓

三潭印月

游船人散後正蟾影印寒湫看冷沁鮫眠清

宜兔浴皓彩輕浮扁舟泛天鏡裡迺流光澄  
碧浸明眸栖鷺空驚碧草素鱗遠避金鉤  
臨流萬象涵秋懷渺渺水悠悠念漢臯遺珮  
湘波步襪空想仙游風收翠奩乍啓度飛星  
倒影八芳洲瑤瑟誰彈古怨渚宮夜舞潛虬

兩峯插雲

碧尖相對處向煙外挹遙岑記舞鷺啼猿天  
香桂子曾去幽尋輕陰易晴易雨看南峯淡  
日北峯雲雙塔秋擎露冷亂鐘曉送霜清

登臨望眼增明沙路白海門青正地幽天迴  
水鳴山簾風奏松琴虛檻半空聚遠倚闌干  
暮色與雲平明月千巖夜午遡風跨鶴吹笙

Blank manuscript page with vertical columns.

Blank manuscript page with vertical columns and a small ink smudge.

商西風只在垂楊外

浪淘沙

新雨洗晴空碧淺眉峯翠樓西畔畫橋東柳  
線嫩黃纔半染眼眼東風 繡戶掩芙蓉帳  
滅香筒遠煙輕靄弄春容雁雁又歸鶯未到  
誰寄愁紅

浣溪沙

幾點紅香入玉壺幾枝紅影上金銷晝長人  
困鬪擣菹 花徑日遲蜂課蜜杏梁風軟燕

調雛茶蘼開了有春無

浣溪沙

波影搖花碎錦鋪竹風清泛玉扶疎畫屏紋  
枕小紗櫺合色麝囊分翠繡夾羅螢扇縷  
金書十分涼意淡妝梳

浣溪沙

淺色初裁試暖衣畫簾斜日看花飛柳搖蛾  
綠妒春眉象局懶拈雙陸子寶弦愁按十  
三徽試憑新燕問歸期

東風第一枝早春賦

草夢初回柳眠未起新陰纔試花訊雛鴛迎  
曉偎香小蝶舞晴弄影飛梭庭院早已覺日  
遲人靜畫簾輕不隔春寒旋減酒紅香暈  
陰欲就遠煙催暝人欲醉晚風吹醒瘦肌羞  
怯金寬笑鬢暖融粉沁珠譚緩引更巧試杏  
妝梅鬢怕等閑虛度芳期老卻翠嬌紅嫩  
楚宮春爲落花度無射宮

香迎曉白看煙珮霞綃弄妝金谷倦倚畫欄

無語情深嬌足雲擁瑤房翠暖繡帳捲東風  
傾國半捻愁紅念舊游凝竚蘭翹瑞鸞低舞  
庭綠 猶想沈香亭北人醉裏芳筆會題新  
曲自剪露痕移取春歸華屋絲障銀屏靜掩  
俏未許鶯窺蝶宿絳蠟良宵酒半闌重繞鴛  
機醉靨爭妍紅玉

大聖樂東園餞春卽席分題

嬌綠迷雲倦紅顰曉嫩晴芳樹漸午陰簾影  
移香燕語夢回千點碧桃吹雨冷落錦宮人

歸後記前度蘭橈停翠浦凭欄久謾凝想鳳  
翹慵聽金縷 畱春問誰最苦柰花自無言  
鶯自語對畫樓殘照東風吹遠天涯何許怕  
折露條愁輕別更煙暝長亭啼杜宇垂楊晚  
但羅袖暗霑飛絮

單煞

三犯渡江雲

丁卯歲未除三日乘興棹雪訪李  
商隱周隱於餘不之濱主人喜余  
至擁裘曳杖相從於山巔水涯松



雲竹雪之間酒酣促膝笑語盡出  
笈中畫囊中詩以娛客醉歸船窗  
紈然夜鼓半矣歸途再雪萬山玉  
立相映發冰鏡晃耀照人毛髮灑  
灑清入肝鬲凜然不自支疑行清  
虛府中奇絕境也竭來故山恍然  
隔歲慨然懷思何異神游夢適因  
竊自念人間世不乏清景往往汨  
汨塵事不暇領會抑亦造物者故

爲是靳靳乎不然戴溪之雪赤壁  
之月非有至高難行之舉何千載  
之下寥寥無繼之者耶因賦此解  
以寄余懷

冰谿空翠晚滄茫雁影淺水落寒沙那回乘  
夜與雲雪孤舟曾訪故人家千林未綠芳信  
暖玉照霜華其凭高聯詩喚酒暝色奪昏鴉  
堪嗟 澌鳴玉珮山護雲衣又扁舟東下想  
故園天寒倚竹袖薄籠紗詩筒已是經年別

早暖律春動香葭愁寄遠溪邊自折梅花

露華次張宙雲韻

暖銷蕙雪漸水紋漾錦雲淡波溶岸香弄蘂  
新枝輕裊條風次第燕歸將近愛柳眉桃靨  
煙濃鴛徑小芳屏聚燂翠渚飄鴻六橋舊  
情如夢記扇底宮眉花下游駟選歌試舞連  
宵戀醉珍叢怕裏早鶯啼醒問杏鈿誰點愁  
紅心事悄春嬌又八翠峯

桃源憶故人

流蘇靜掩羅屏小春夢苦無分曉一縷舊情  
誰表暗逐餘香裊相思謾寄流紅杳人瘦  
花枝多少郎馬未歸春老空怨王孫草

糖多令

絲雨織鶯梭浮錢點細荷燕風輕庭宇正清  
和苔面唾茸堆繡徑春去也柰春何宮柳  
老青蛾題紅隔翠波扇鸞孤塵暗合歡羅門  
外綠陰深似海應未比舊愁多

西江月

波影暖浮玉蟄柳陰深鎖金鋪湘桃花褪燕  
調雛又是一番春暮 碧柱情深鳳怨雲屏  
夢淺鶯呼繡窗人倦冷熏爐簾影搖花亭午  
菩薩蠻  
霜風漸入龍香被夜寒微澀官壺水滴滴是  
愁聲聲聲滴到明 夢魂隨雁去飛到顰眉  
處雁已過西樓又還和夢愁

繡鸞鳳花犯賦水仙

楚江湄湘娥乍見無言灑清淚澹然春意空

獨倚東風芳思誰寄凌波路冷秋無際香雲  
隨步起謾記得漢宮仙掌亭亭明月底 冰  
絃寫怨更多情騷人恨枉賦芳蘭幽芷春思  
遠誰歎賞國香風味相將其歲寒伴侶小窗  
淨沈煙熏翠袂幽夢覺娟娟清露一枝燈影  
裏

探春慢脩門度歲和友人韻

綵勝宜春翠盤消夜客裏暗驚時候翦燕心  
情呼盧笑語景物總成懷舊愁鬢如垂楊怪

穉眼漸濃如豆儘教寬盡春衫畢竟爲誰消  
瘦梅浪半空如繡便筦領芳菲忍辜詩酒  
映燭占花臨窗卜鏡還念嫩寒宮袖簫鼓動  
春城競點綴玉梅金柳斲勾元宵燈前共誰  
攜手

瑤花慢

后土之花天下無二本方其初開  
帥臣以金瓶飛騎進之天上閒  
亦分致貴邸余客輦下有以一枝

長安獨客又見西風素月丹楓淒  
然其為秋也因調夾鍾羽一解

煙水闊高林弄殘照晚蜩淒切碧礎度韻銀  
牀飄葉衣溼桐陰露冷採涼花時賦秋雪歎  
輕別一襟幽事砌蛩能說客思嗟商還怯  
怨訝長瓊壺暗缺翠扇恩疎紅衣香褪翻成  
銷歇玉骨西風恨最恨閑卻新涼時節楚簫  
咽誰倚西樓淡月

鷓鴣天

燕子時時度翠簾柳寒猶未褪香綿落花門  
巷家家雨新火樓臺處處煙 情默默恨厭  
厭東風吹動畫秋千拆桐開盡鶯聲老無奈  
春何祇醉眠

夜行船

蛩老無聲深夜靜新霜聚一簾燈影妒夢鴻  
高烘愁月淡縈亂恨絲難整 笙字嬌訛誰  
為醜香襟冷怕看粧印繡悶藏春海棠偷暖  
還似去年風景

采綠吟

甲子夏霞翁會吟社諸友逃暑於  
西湖之環碧琴樽筆研短葛練巾  
放舟於荷深柳密閒舞影歌塵遠  
謝耳目酒酣采蓮葉探題賦詞余  
得塞垣春翁為翻譜數字短簫按  
之音極諧婉因易今名云

采綠鴛鴦浦畫舸水北雲西槐薰入扇柳陰  
浮槩花露侵詩點塵飛不到冰涼車紺霞淺

壓玻璃想明璫凌波遠依依心事寄誰移  
棹機空明蘋風度瓊絲霜筦清脆只赤挹幽  
薌悵岸隔紅衣對滄洲心與海閒吟情渺蓮  
葉共分題停杯久涼月漸生煙合翠微

解語花

羽調解語花音韻婉麗有譜而亡  
其辭連日春晴風景韶媚芳思撩  
人醉撚花枝倚聲成句

晴絲罥蝶暖蜜酣蜂重簾捲春寂寂雨夢煙

稍壓闌干花雨染衣紅溼金鞍誤約空極目  
天涯草色閩苑玉簫人去後惟有鶯知得  
餘寒猶掩翠戶梁燕乍歸芳信未端的淺薄  
東風莫因循輕把杏鈿狼藉塵侵錦瑟殘日  
綠窗春夢窄睡起折花無意緒斜倚秋千立

曲游春

禁煙湖上薄游施卑山賦詞甚佳  
余因次其韻蓋平時游舫至午後  
則盡入裏湖抵暮始出斷橋小駐

而歸非習于游者不知也故卑山  
極擊節余閒卻半湖春色之句謂  
能道人之所未云

禁苑東風外颺暖絲晴絮春思如織燕約鶯  
期惱芳情偏在翠深紅隙漠漠香塵隔沸十  
里亂弦叢笛看畫船盡入西泠閒卻半湖春  
色 柳陌新煙凝碧映簾底宮眉堤上游勒  
輕暝籠寒怕梨雲夢冷杏香愁羃詞筦醜寒  
食柰蝶怨良宵岑寂正滿湖碎月搖花怎生

去得

大聖樂次施半山蒲節韻

虹雨霽風翠紫蘋渚錦翻葵逕正小亭曲沼  
幽深篔簹枕夢回苔色槐陰清潤暗憶蘭湯初  
洗玉襯碧霧籠綃垂蕙領輕妝了裊涼花絳  
纓香滿鸞鏡 人間午遲漏永看雙燕將雛  
穿藻井喜玉壺無暑涼涵荷氣波搖簾影畫  
舸西湖渾如舊又菰冷蒲香驚夢醒歸舟晚  
聽誰家紫簫聲近



桂枝香雲洞賦桂

巖霏逗綠又涼入小山千樹幽馥仙影懸霜  
粲夜楚宮六六明霞洞窅珊瑚冷對清商吟  
思堪拘麝痕微沁蜂黃淺約數枝秋足 別  
有雕欄翠屋任滿帽珠塵拚醉香玉瘦倚西  
風誰見露侵肌粟好秋能幾花前笑繞涼雲  
重喚銀燭寶屏空曉珍叢怨月夢回金谷

杏花天賦莫愁

瑞雲盤翠侵妝額眉柳嫩不禁愁積返魂誰

染東風筆寫出郢中春色 人去後垂楊自

碧歌舞夢欲尋無跡愁隨兩槩江南北日暮

石城風急

杏花天賦昭君

漢宮乍出慵梳掠關月冷玉沙飛幕龍香撥  
重春葱弱一曲哀弦謾託 君恩厚空憐命  
薄青家遠幾番花落丹青自是難描摸不是  
當時畫錯

南樓令次陳君衡韻

桂影滿空庭秋更廿五聲一聲聲都是銷凝  
新雁舊葢相應和禁不過冷清清 酒與夢  
俱醒病因愁做成展紅綃猶有餘馨暗想芙  
蓉城下路花可可霧冥冥

南樓令又次君衡韻

欹枕聽西風葢階月正中弄秋聲金井孤桐  
閒省十年吳下路船幾度繫江楓 輦路又  
迎逢秋如歸興濃歎淹畱還見新冬湖外霜  
林秋似錦一片片認題紅

秋霽

乙丑秋晚同盟載酒爲水月游商  
令初蕭霜風戒寒撫人事之飄零  
感歲華之搖落不能不以之興懷  
也酒闌日暮憮然成章

重到西泠記芳園載酒畫船橫笛水曲夫容  
渚邊漚鷺依依似曾相識年芳易失斷橋幾  
換垂楊色謾自惜愁損庾郎霜點鬢華白  
殘葢露草怨蝶寒花轉眼西風又成陳迹歎

如今才消量減樽前孤負醉吟筆欲寄遠情  
秋水隔舊游空在凭高望極斜陽亂山浮紫  
暮雲凝碧

齊天樂

紫霞翁開燕梅邊謂客曰梅之初  
綻則輕紅未銷已放則一白呈露  
古今誇賞不出香白顧未及此欠  
事也施中山賦之余和之

宮簷融暖晨妝嬾輕霞未勻酥臉倚竹嬌顰

臨流瘦影依約樽前重見盈盈笑靨映珠絡  
玲瓏翠綃葱蒨夢入羅浮滿衣清露暗香染  
東風千樹易老怕紅顏旋減芳意偷變贈  
遠天寒吟香夜永多少江南新怨瓊疏靜掩  
任翦雪裁雲競誇輕豔畫角黃昏夢隨春共  
遠

憶舊游落梅賦

念芳鈿委路粉浪翻空誰補春痕竚立傷心  
事記宮簷點鬢候館霑襟東君護香情薄不

筍徑雲深嘆金谷樓危避風臺淺消瘦飛瓊  
梨雲已成夢謾蝶恨淒涼人怨黃昏撚殘  
枝重嗅似徐娘雖老猶有風情不禁許多芳  
思青子漸成陰泊酒醒謾闌空庭夜月羌笑

注

一枝春

寄閒飲客春

酒酣意

浴命清吭

為之霑

且調

碧簷春姿柳

喚起探花情緒東風尙淺

應自把羅綺圍春占得畫屏春聚 畱連續

叢深處愛歌雲裊裊低隨香縷瓊窗夜暖試  
與細評新譜妝梅娟晚料無那弄顰佯如還  
怕裏簾外籠鶯笑人醉語

一枝春

越一日寄閒次余前韻且未能忘  
情於落花飛絮閒因寓去燕楊姓

事以寄意此少游小樓連苑之詞  
也余遂戲用張氏故實次韻代荅  
亦東坡錦里先生之詩乎

簾影移陰杏蔭寒乍溼西園絲雨芳期暗數  
又是去年心緒金花謾翦倩誰畫舊時眉嫵  
空自想楊柳風流淚適軟綃紅聚惟窗那  
回歌處嘆庭花倦舞香銷衣縷樓空燕冷碎  
錦懶尋塵譜么弦謾賦記曾是倚嬌成妒深  
院悄閒掩梨花倩鶯寄語

點絳脣

雪霽寒輕興來載酒移吟艇玉田千頃橋外  
詩情迴重到孤山往事和愁醒東風緊水  
邊疎影誰念梅花冷

戀繡衾賦蝶

粉黃衣薄霑麝塵作南華春夢乍醒活計一  
生花裏恨曉房香露正深芳蹊有恨時時  
見趁游絲高下弄晴生怕被春歸了趕飛紅  
穿度柳陰

江城子賦玉盤玉芍藥寄意

玉肌多病怯殘春瘦稜稜睡騰騰清楚衣裳  
不受一塵侵香冷翠屏春意靚明月淡曉風  
輕樓中燕子夢中雲似多情似無情酒醒  
謔闌誰爲喚真真盡日瑣窗人不到鶯意嬾  
蝶愁深

綠蓋舞風輕白蓮賦

玉立照新妝翠蓋亭亭凌波步秋綺真色生  
香明璫搖淡月舞袖斜倚耿耿芳心柰千縷

情絲縈繫恨閒遲不嫁東風顰怨嬌藥花  
底謾卜幽期素手採珠房粉豔初褪雨溼瑤  
腮碧雲深暗聚軟綃清淚訪藕尋蓮楚江遠  
相思誰寄卓哥回衣露滿身花氣

調夢窗

波暖塵香正嫩日輕陰搖蕩清晝幾日新晴  
初展綺枰紋繡年少忍負韶華儘占斷豔詞  
芳酒看翠簾蝶舞蜂喧催趁禁煙時候杏  
腮紅透梅細皺燕將歸海棠厮勾尋芳較晚

東風約還在劉郎後憑問柳陌舊鶯人比似  
垂楊誰瘦倚畫闌無語春恨遠頻回首

謁金門

花不定燕尾翦開紅影幾點露香蜂趕趁日  
遲簾幙靜 試把翠蛾輕暈愁滿寶臺鸞鏡  
倒指一春將次盡歸期猶未穩

眼兒媚

飛絲半溼惹歸雲愁裏又聞鶯淡月秋千落  
花庭院幾度黃昏 十年一夢揚州路空有

少年心不分不曉厭厭默默一段傷春

拜星月慢

癸亥春沿檄荆谿朱墨日賓送忽  
忽不知芳事落鶻聲草色閒郡僚  
閒載酒相慰薦長歌清醕政爾供  
愁客夢栩栩已蜚度四橋煙水外  
矣醉餘短弄歸日將火書之垂虹

膩葉陰清孤花香冷迤邐芳洲春換薄酒孤  
吟悵相如游倦想人在絮幙香簾凝望誤認

幾許煙檣風幔芳草天涯負華堂雙燕  
記  
簫聲淡月梨花院研牋紅謾寫東風怨一夜  
落月啼鵲喚四橋吟纜蕩歸心已過江南岸  
清宵夢遠逐飛花亂幾千萬縷垂楊翦春愁  
不斷

好事近

秋水浸芙蓉清曉綺窗臨鏡柳弱不勝愁重  
染蘭膏微沁下階笑折紫玫瑰蜂蝶撲雲  
鬢回首見郎羞走冒繡裙微褪

蘋洲漁笛譜卷一



蘇州漁笛譜卷二

齊人周密公謹父

長亭怨慢

歲丙午丁未先君子監州太末

時刺史楊泳齋員外別駕卒存齋

西安合翁浩堂郡博士洪恕齋一

時名流星聚見為奇事倅居據龜

阜下瞰萬室外環四山先子作

堂曰嘯詠撮登覽要蜿蜒入後圃

梅清竹癯虧蔽風月後俯官河相  
望一水則小蓬萊在焉老柳高荷  
吹涼竟日諸公載酒論文清彈豪  
吹筆研琴樽之樂蓋無虛日也余  
時甚少執杖屨俱洒掃諸老緒論  
殷殷金石聲猶在耳後十年過之  
則徑草池萍憮然葵麥之感一時  
交從水逝雲飛無人識令威矣徘徊  
水竹閒悵然久之因譜白石自

製調以寄前度劉郎之懷云

記干竹萬荷深處綠淨池臺翠涼亭宇醉墨  
題香閒簫橫玉盡吟趣勝流星聚知幾誦燕  
臺句零落碧雲空嘆轉眼歲華如許凝竚  
望涓涓一水夢到隔花窗戶十年舊事儘消  
得庾郎愁賦燕樓鶴表半漂零算惟有盟渥  
堪語謾倚徧河橋一片涼雲吹雨

齊天樂

余自入冬多病吟事盡廢小窗淡

夢溪筆談卷二  
月忽對橫枝恍然空谷之見似人  
也泚筆賦情不復作少年丹白想  
或者以九方臯求我則庶幾焉

東風又入江南岸年年漢宮春早寶屑無痕  
生香有韻消得何郎花惱孤山夢繞記路隔  
金沙那回曾到夜月相思翠樽誰其飲清醪  
天寒空念贈遠水邊憑爲問春到多少竹  
外凝情牆陰照影誰見嫣然一笑吟薌未了  
怕玉筩西樓一聲霜曉花自多情看花人自

老

月邊嬌元夕懷舊

酥雨烘晴蚤柳盼顰嬌蘭芽愁醒九街月淡  
千門夜暖十里寶光花影塵凝步襪送豔笑  
爭誇輕俊笙簫迎曉翠幕捲天香宮粉少  
年紫曲疎狂絮花蹤蹟夜蛾心性戲叢圍錦  
燈簾轉玉拚卻舞勾詞引前歡謾省又輦路  
東風吹鬢醺醺倚醉任夜深春冷

宴清都登雲川圖有賦

老去閒情嬾東風外菲菲花絮零亂輕漚漲  
綠啼鵲帝碧一春過半尋芳已是來遲怕迤  
邐華年暗換應悵恨白雪詞空秋霜鬢冷誰  
筦憑闌自笑清狂事隨花謝愁與春遠持  
杯顧曲登樓賦筆杜郎才減前歡已隔殘照  
但耿耿臨高望眼遡流紅一棹歸時半蟾弄  
晚

梅花引次韻篔房賦落梅

瑤妃鸞影逗仙雲玉成痕麝成塵露冷鮫房

清淚霰珠零步繞羅浮歸路遠楚江晚賦宮  
斜招斷魂酒醒夢醒惹新恨褪素妝愁恹  
粉翠禽夜冷舞香惱何遜多情委珮殘鈿空  
想墜樓人欲挽湘裙無處覓倩誰爲寄江南  
萬里春

瑞鶴仙

寄閒結唵臺出花柳半空閒遠迎  
雙塔下瞰六橋標之曰湖山繪幅  
霞翁領客落成之初筵翁俾余賦

詞主賓皆賞音酒方行寄閒出家  
姬侑樽所歌則余所賦也調閒婉  
而辭甚習若素能之者坐客驚詫  
敏妙爲之盡醉越日過之則已大  
書刻之危棟閒矣

翠屏圍畫錦正柳織煙綃花明春鏡層欄幾  
回凭看六橋鶯曉雨堤鷗暝晴嵐隱隱映金  
碧樓臺遠近謾會誇萬幅丹青畫筆畫應難  
盡那更波涵月彩露裊蓮妝水描梅影

朱弄粉憑誰寫四時景問玉函西子山眉波  
盼多少濃施淺暈算何如付與吟翁緩評細  
品

倚風嬌近填霞翁譜賦大花

雲葉千重翳塵輕染金縷弄嬌風軟霞綃舞  
花國選傾城暖玉倚銀屏綽約娉婷淺素宮  
黃爭嫵生怕春知金屋藏嬌深處蜂蝶尋  
芳無據醉眼迷花映紅霧修花譜翠毫夜溼  
天香露

英臺近

燭搖花香裊穗獨自奈春冷過了收燈纔始  
作花信無端雨外餘醒鶯邊殘夢又還動惜  
芳心性忍重省 幾多綠意紅情吟牋倩誰  
整香減春衫老卻舊荀令小樓深閉來風曲  
屏斜倚知他是爲誰成病

浪淘沙

芳草碧茸茸染恨無窮一春心事雨聲中窄  
索宮羅寒尚悄閒倚薰籠 猶記粉欄不同

醉香叢金鞍何處驟驂馳裊裊綠窗殘夢斷  
紅杏東風

浣溪沙

不下珠簾怕燕嗔旋移芳檻引流鶯春光卻  
早又中分 杏火無煙然綠暗梨花如雪冷  
清明冶游天氣冶游心

浣溪沙

絲雨籠煙織晚晴睡餘春酒未全醒翠鈿輕  
脫隱香痕 生怕柳綿繁舞蝶戲拋梅彈打

啼鶯寂難消遣是殘春

齊天樂

丁卯七月既望余偕同志放舟邀  
涼於三匯之交遠脩太白采石坡  
仙赤壁數百年故事游興甚逸余  
嘗賦詩三百言以紀清適座客和  
篇交屬意殊快也越明年秋復尋  
前盟於白荷涼月聞風露浩然毛  
髮森爽遂命蒼頭奴橫小笛於柁

尾作悠揚杳渺之聲使人真有乘

槎飛舉想也舉白盡醉繼以浩歌

清谿數點芙蓉雨蘋飈泛涼吟艦洗玉空明

浮珠沆瀣人靜賴沈波息仙潢只赤想翠宇

瓊樓有人相憶天上人間未知今夕是何夕

此生此夜此景自仙翁去後清致誰識散

髮吟商簪花弄水誰伴涼宵橫笛流年暗惜

怕一夕西風井梧吹碧底事閒愁醉謔浮大

白

大酺春陰懷舊

又秭歸啼茶縻謝寂寂春陰池閣羅窗人病  
酒柰牡丹初放晚風還惡燕燕歸遲鶯鶯聲  
嬾閒罥秋千紅索三分春過二尙剩寒猶凝  
翠衣香薄恁鷓鴣徑鸚籠一池萍碎半簷花落  
最憐春夢弱楚臺遠空負朝雲約謾念想  
清歌錦瑟翠筦瑤樽幾回沈醉東園酌燕麥  
菟葵恨倩誰訪畫欄紅藥況多病腰如削相  
如老去賦筆吟牋閒卻此情怕人問著

霓裳中序第一次箕房韻

湘屏展翠疊恨入宮溝流怨葉缸冷金花暗  
結又雁影帶霜蛩音淒月珠寬腕雪嘆錦牋  
芳字盈篋人何在玉簫舊約忍對素娥說愁  
切一夜礎幽咽任帳底沈煙漸滅紅蘭誰采  
贈別洛汜分綃漢浦遺玦舞鸞光半缺最怕  
聽離弦乍闋凭闌久一庭香露桂影弄棲蝶  
過秦樓避暑次雷雲韻  
紺玉波寬碧雲亭小苒苒水楓香細魚牽翠



帶燕掠紅衣雨急萬荷喧睡臨檻自采瑤房  
鉛粉霑襟雪絲繁指喜嘶蟬樹遠盟漚鄉近  
鏡奩光裏 簾戶悄竹色侵棊槐陰移漏晝  
永簾花鋪水清眠乍足晚浴初慵瘦約楚裙  
尺二曲砌虛庭夜深月透龜紗涼生蟬翅看  
銀潢瀉露金井啼鴉漸起

聲聲慢

逃禪作梅瑞香水仙字之曰三香  
瑤臺月令珮渚煙深相逢共話淒涼曳雪牽

雲一般淡雅梳妝樊姬歲寒舊約喜玉兒不  
負蕭郎臨水鏡看清鉛素靨真態生香 長  
記湘臯春曉仙路迴冰鈿翠帶交相滿引臺  
杯休待怨籟吟商凌波又歸甚處問蘭昌何  
似唐昌春夢好倩東風畱駐瑣窗

聲聲慢

逃禪作菊桂秋荷目之曰三逸  
狀額黃輕舞衣紅淺西風又到人間小雨新  
霜萍池蘚徑生寒輸竹漢宮姊妹燦星鈿霞

步瀛洲詩卷二  
三  
珮珊珊涼意早正金盤露潔翠蓋香殘  
十六宮秋好看扶疎仙影伴月長閒寶絡風  
流何如細藥堪餐幽香未應便減傲清霜正  
自宜看吟思遠賦東籬還賦小山

風入松立春日卽席次寄閒韻

柳梢煙軟已聰瓏嬌眼試東風情絲又逐青  
絲亂剩寒輕猶戀芳權筍玉新裁早燕杏鈿  
時引晴蜂 當時蘭柱繫花驄人在小樓東  
鶯嬌戲索迎春句愛露牋新染香紅未信閒

情便懶探花拚醉瓊鍾

浪淘沙

柳色淡如秋蝶懶鶯羞十分春事九分休開  
盡棟花寒尚在怕上簾鉤 京洛少年游誰  
念淹畱東風吹雨過西樓殘夢宿醒相合就  
一段新愁

鷓鴣天

相倚清明晴便慳閉門空自惜花殘海棠半  
坼難禁雨燕子初歸不耐寒 金鴨冷錦鴉

閒銀缸空照小屏山翠羅袖薄東風峭獨倚  
西樓第幾欄

夜行船

寒菊欲風棲小蝶簾櫳靜半規涼月夢不分  
明恨無憑據腸斷錦牋盈篋哀角吹霜寒  
正怯倚瑤箏暗愁誰說寶獸頻添玉蟲時翦  
長記舊家時節

齊天樂

曲屏遮斷行雲夢西樓怕聽疎雨硯凍凝華

香寒散霧呵筆慵題新句長安倦旅歎衣染  
塵痕鏡添秋縷過盡飛鴻錦牋誰爲寄愁去  
簫臺應是怨別曉寒梳洗懶依舊眉嫵酒  
滴爐香花園座暖閒卻珠鞦鈿柱芳心謾語  
悵柳外游韉繫情何許暗卜歸期細將梅蘂  
數

滿庭芳賦湘梅

玉沁脣脂香迷眼纈肉紅初映仙裳湘臯春  
冷誰翦茜雲香疑是潘妃乍起霞侵臉微印

宮妝還疑是壽陽凝醉無語倚含章 絳綃  
清淚冷東風寄遠愁損紅娘笑李凡桃俗蝶  
喜蜂忙莫把杏花輕比怕杏花不敢承當飄  
零處還隨流水應去誤劉郎

清平樂次甯雲韻

吹梅聲咽簾捲初弦月一寸春霏銷蕙雪愁  
染垂楊帶結 畫橋平接金沙軟紅淺隔兒  
家燕子未歸門掩晚妝空對菱花

清平樂再次前韻

晚鶯嬌咽庭戶溶溶月一樹湘桃飛茜雪紅  
豆相思漸結 看看芳草平沙游鶻猶未歸  
家自是蕭郎飄蕩錯教人恨楊花

乳燕飛

辛未首夏以書舫載客游蘇灣徙  
倚危亭極登覽之趣所謂浮玉山  
碧浪湖者皆橫陳於前特吾几席  
中一物耳遙望具區渺如煙雲洞  
庭縹緲諸峯轟轟獻狀蓋王右丞

李將軍著色畫也松風怒號暝色  
四起使人浩然忘歸慨然懷古高  
誦舉白不知身世為何如也溪山  
不老臨賞無窮後之視今當有契

余言者因大書山楹以紀來遊

波影搖漣絜趁薰風一舸來時翠陰清晝去  
郭軒楹纔數里蘇磴松關雲岫快屐齒筇枝  
先後空半危亭堪聚遠看洞庭縹緲爭奇秀  
人自老景如舊 來帆去棹還知否問古今

幾度斜陽幾番回首晚色一川誰筦領都付  
兩荷煙柳知我者燕朋鷗友笑拍闌干呼范  
蠡甚平吳卻倩垂綸手吁萬古付卮酒

掃花游用清真韻

柳花颺白又火冷餠香歲時荆楚海棠似語  
惜芳情燕掠錦屏紅舞怕裏流芳暗水啼煙  
細雨帶愁去歎寂寞東園空想游處 幽夢  
會暗許柰草色迷雲送春無路翠丸薦俎掩  
清樽謾憶舞蠻歌素怨碧飄香料得啼鵲更

苦正愁竚黯春陰倦簫殘鼓

龍吟曲賦寶山園表裏畫圖

仙山非霧非煙翠微縹緲樓臺亞江蕪海樹  
晴光雨色天開圖畫兩岸潮平六橋煙霽晚  
鉤簾挂自元暉去後雲情雪意丹青手應難  
寫花底朝回多暇倚高寒有人蕭灑東山  
杖履西州賓客笑譚風雅貯月杯寬護香屏  
暖好天良夜樂閒中日月清時鐘鼓結春風  
社

風入松爲謝省齋賦林壑清趣

枇杷花老洞雲深流水泠泠藍田誰種玲瓏  
玉土華寒暈碧雲根佳興秋英春草好音夜  
鶴朝禽閒聽天籟靜看雲心境俱清好風  
不負幽人意送良宵一枕松聲四友江湖泉  
石二井鐘鼎山林

鳳棲梧賦生香亭

竹窈花深連別墅曲曲回廊小小閒庭宇忽  
地香來無覓處杖藜閒趁游蜂去老桂懸

秋森玉樹澗底孤芳冉冉吹詩句一掬幽情  
知幾許鉤簾半畝藤花雨

少年游賦涇雲軒

松風蘭露滴厓陰瑤草入簾青玉鳳驚飛翠  
蛟時舞噴薄濺春雲 冰壺不受人閒暑幽  
碧唳珍禽花外琴臺竹邊棊墅處處是閒情

西江月醮醮閣春賦

花氣半侵雲閣柳陰近隔春城晝闌明月按  
瑤箏醉倚滿身芳影 翠格素虬晴雪錦籠

紫鳳香雲東風吹玉滿閒庭二十四簾春靚

清平樂橫玉亭秋倚

詩情畫意只在闌干外雨露天低生爽氣一  
片吳山越水 宮煙醉柳春晴海風洗月秋  
明喚取九霞飛珮夜涼跨鶴吹笙

朝中措東山棊墅

桐陰薇影小闌干晝永瑣窗閒當日清譚睹  
墅風流猶記東山 犀奩象局驚回槐夢飛  
覆生寒自有仙機活著未應袖手旁觀

吳山觀濤

天水碧染就一江秋色  
鼇戴雪山龍起蟄快  
風吹海立  
數點煙鬟青滴  
一杆霞綃紅溼  
白鳥明邊  
颿影直隔江聞夜笛

浣溪沙題紫清道院

竹色苔香小院深  
蒲團茶鼎掩山扃  
松風吹淨世閒塵  
靜養金芽文武火  
時調玉軫短長清  
石牀閒臥看秋雲

長清短清皆琴曲名

吳山青賦無心處茅亭

山青青水泠泠  
養得風煙數畝成  
乾坤一草亭  
雲無心竹無心  
我亦無心似竹雲  
歲寒同此盟

英臺近賦攬秀園

步玲瓏尋窈窕  
瑤草四時碧  
小小蓬萊花氣透  
簾隙幾回翠  
水荷初蒼  
厓梅小綺寮掩玉壺  
春色柳屏窄  
芳檻日日東風幾  
醉幾吟筆曲折花房  
鶯燕似相識  
取憐燈影纔收歌塵初靜  
畫樓外秋聲大笛



長相思

燈輝輝月微微  
帳暖香深春漏遲  
夢回聞子規  
欲成詩未成  
詩生怕春歸  
春又歸  
花飛花未飛

清平樂

小橋紫綠密翠藏  
陰屋千頃風煙森  
萬玉依約  
輞川韋曲  
臨流照影  
何人悠然倚枝看  
雲柳色翠迷  
山色泉聲清和蟬聲

清平樂 杜陵春游圖

錦城春曉苑陌芳菲  
早可是杜陵人未老  
日酒迷花惱  
歸鶻困倚芳醒  
醒來還有新吟  
人與杏花俱醉  
春風一路聞鶯

清平樂 三白圖

靜香真色花與人爭  
白屬玉雙飛煙月夕  
點破一匳秋碧  
翠羅袖薄天寒  
笛聲何處關山  
手撚一枝春色  
東風怨入江南

柳梢青

余生平愛梅  
僅一再見  
逃禪真蹟

癸酉冬會疎清翁孤山下出所藏  
雙清圖奇悟入神絕去筆墨畦徑  
卷尾補之自書柳梢青四詞辭語  
清麗翰札道勁欣然有契於心余  
因戲云不知點胸老放鶴翁同生  
一時其清風雅韻優劣當何如哉  
翁矇曰我知畫而已安與許事君  
其問諸水濱因次韻載名於後庶  
異時開卷索笑不爲生客云

約略春痕吹香新句照影清尊洗盡時妝效  
鬢西子不負東昏 金沙舊事休論儘消得  
東風返魂一段真清風前孤驛雪後前村

柳梢青

萬雪千霜禁持不過玉雪生光水部情多杜  
郎老去空惱愁腸 天寒野嶼空廊靜倚竹  
無人自香一笑相逢江南江北竹屋山窗

柳梢青

映水穿籬新霜微月小蘂疎枝幾許風流一

聲龍竹半幅鷺溪 江頭悵望多時欲待折  
相思寄伊真色真香丹青難寫今古無詩

柳梢青

夜鶴驚飛香浮翠蘚玉點冰枝古意高風幽  
人空谷靜女深幃 芳心自有天知任醉舞  
花邊帽欹最愛孤山雪初晴後月未殘時

南樓令次陳君衡韻

開了木芙蓉一年秋已空送新愁千里孤鴻  
搖落江蘼多少恨吟不盡楚雲峯 往事夕

陽紅故人江水東翠衾寒幾夜霜濃夢隔屏  
山飛不去隨夜鵲繞疎桐

南樓令戲次趙元父韻

好夢不分明楚雲千萬層帶圍寬愁損蘭成  
玉杵元霜纔只赤青羽信便沈沈 水調夜  
樓清清宵誰其聽砑牋紅空賦傾城幾度欲  
吟吟不就可蹙是沒心情

聲聲慢九日松澗席

橙香小院桂冷閒庭西風雁影涵秋鳳撥龍

槽新聲小按梁州鶯吭夜深囀巧凝涼雲應  
為歌畱慵顧曲歎周郎老去鬢改花羞何  
事登臨感慨倩金蕉一洗千古清愁屢舞高  
歌作成陶謝風流人生取難一笑拚樽前醉  
倒方休待醉也帶黃花須帶滿頭

明月引

趙白雲初賦此詞以為自度腔其  
實即梅花引也陳君衡劉養源皆  
再和之會余有西州之恨因用韻

以寫幽懷

舞紅愁碧晚蕭蕭迴潮竚仙槎風露高寒  
蜚下紫霞簫一雁遠將于萬恨懷渺渺翦愁  
雲風外飄酒醒未醒香旋銷采江蘼吟楚  
招清徽芳筆梅魂冷月影空描錦瑟瑤樽閒  
度可憐宵二十四欄愁倚徧空悵望短長亭  
長短橋

明月引

養源再賦余亦載賡

雁霜苔雪冷飄蕭斷魂潮送輕橈翠袖珠樓  
清夜夢瓊簫江北江南雲自碧人不見淚花  
寒隨雨飄愁多病多腰素銷倚清琴調大  
招江空年晚淒涼句遠意難描月冷花陰心  
事負春宵幾度問春春不語春又到到西湖  
第幾橋

六幺令次韻劉養源賦雪

癡雲翦葉簷滴夜深悄銀城飛捷翠隴占祥  
豐年報白戰清吟未了寒鵲驚枝曉鶴迷翠

表山陰今日醉臥何人問安道 交映虛窗  
淨沼不許游塵到誰念絮帽茸裘歎幼安今  
老玉鑑脩眉未掃白雪詞新草冰蟾光皎梅  
心香動閒看春風上瓊島

六幺令春雪再和

迴風帶雨凍澀漏聲悄小窗照影虛白幾誤  
鄰雞報千樹天花綻了鴿立通明曉眼空人  
表宮袍帶月醉裏應迷灞陵道 風靜瓊林  
翠沼片片隨春到吟韉十里新堤怪四山青

老玉唾珠塵怕掃  
句冷池塘草  
白天寒皎飛瓊  
何在夢覓梨雲度仙島

謁金門次西麓韻

芳事晚數點杏鈿香淺  
惻惻輕寒風翦翦錦屏春夢遠  
穉柳拖煙嬌軟花影暗藏深院  
初試輕衫并畫扇牡丹紅未展

好事近次梅谿寄別韻

輕翦楚臺雲玉影半分秋月一餉淒涼無語  
對殘花么蝶碧天愁雁不成書郎意似秋

葉間展鴛綃殘譜捲淚花雙疊

聲聲慢柳花詠

燕泥霑粉魚浪吹香芳堤十里新晴靜惹游  
絲花邊裊裊扶春多情寂憐漂泊記章臺曾  
縮青青堪愛處是撲簾嬌軟隨馬輕盈長  
是河橋三月做一番晴雪惱亂詩魂帶雨沾  
衣羅襟點點離痕休綴潘郎鬢影怕綠窗年  
少人驚捲春去翦東風千縷碎雲

憶舊游次韻篋房有懷東園

記花陰映燭柳影飛梭庭戶東風綵筆爭春  
豔任香迷舞袖醉擁歌叢畫簾靜掩芳晝雲  
翦玉瓏柰恨絕冰弦塵銷翠譜別鳳離鴻  
鶯籠怨春遠但翠冷閒堦墜粉飄紅事逐  
華年換歎水流花謝燕去樓空繡鴛暗老薇  
徑殘夢繞雕櫳悵寶瑟無聲愁痕沁碧江上  
峯

水龍吟次陳君衡見寄韻

燕翎誰寄愁榆天涯望極王孫草新煙換柳

光風浮蕙餘寒尚峭倚杖看雲翦燈聽雨幾  
番詩酒歎長安倦客江南舊恨飛花亂清明  
後 堤上斜陽風驟散香綿輕宿唼袖麴塵  
兩岸紋波十里暖蒸香透海闊雲深水流春  
遠夢魂難勾問鶯邊按譜花前覓句解相思  
否

水龍吟次張斗南韻

舞紅輕帶愁飛寶鞮暗憶章臺路唼香醉雨  
吹簫門巷飄梭院宇立盡殘陽眼迷晴樹夢

隨風絮歎江潭冷落依依舊恨人空老柳如  
許錦瑟華年暗度賦行雲空題短句情絲  
繫燕么弦彈鳳文君更苦煙水流紅暮山凝  
紫是春歸處悵江南望遠蘋花自采寄將愁  
與

甲子仲夏借崑山葉氏舊錄本影寫用家  
藏草窗詞參校毛辰識

西湖十景詞嚮缺末二首偶閱錢塘志中  
載公謹詞三首所缺者恰有之亟命見鈔

希其餘脫落處未識今生得見全本否也  
巳巳端午前一日辰又識

蘋洲漁笛譜卷二



